

G. D. B. V.
DISSERTATIO INAVGVRALIS MEDICA
EXHIBENS

PALPITATIONIS CORDIS

PATHOLOGIAM ATQVE THERAPIAM,

QVAM,

IN ALMA AC PERANTIQVA HIERANA
RECTORE MAGNifico VNIVERSITATIS
AC PRO-CANCELLARIO,

REVERENDISSIMO ET PER-ILLVSTRI DOMINO,
D O M I N O

CHRISTOPHORO IGNATIO
DE GVDENVVS,

EPISCOPO ANEMORIENSI,

EMINENTISS. ARCHI-EPISCOPI, ET PRINC. ELECT. MOGVNT. PER THVRINGIAM,
HASSIAM ET EICHSFELDIAM IN PONTIFICALIBVS VICARIO GENERALI, CON-
SIL. ECCLES. SIGILLIFERO ET SVFFRAGANEO ERFORDIENSI, J. V. D. INSIGN.
ECCLES. COLLEG. AD S. SEVER. CAN. CAP. ET SCHOLAST.

CONSENSV ATQVE AVTORITATE GRATIOSI MEDICORVM
ORDINIS

SVB PRÆSIDIO

DN. HIERONYMI *Eudolfi*

PHILOSOPHIÆ ET MEDICINÆ DOCTORIS,

CONSILIARII ET ARCHIATRI ELECT. MOGVNT. FAC. MED. ET PHILOS. ASSESS.
ORDIN. N. N. CHYMIAE ET MATHEM. PROF. PVBL.

DOMINI PARENTIS ET PRÆCEPTORIS SVI OMNI FILIALI AMORE
ATQVE HONORE NVNQVAM NON PROSEQVENDI,

PRO LICENTIA

SVMMOS IN ARTE MEDICA SALVBERRIMA HOHORES AT-
QVE PRIVILEGIA DOCTORALIA MORE RITVQVE MA-
JORVM SOLENNI CONSEQVENDI,

PVBLICO ERVDITORVM EXAMINI ATQVE VENTILATIONI TRADET
AVTOR ET RESPONDENS

HIOBVS PHILIPPVS *Eudolfi* / *Erffurt. Philos. Mag.*

DIE VII. JANVARIi ANNI M DCC XXVII.

IN AVDITORIO MAJORI COLLEGII MAJORIS HORIS CONSVETIS.

OSGUTHORPE MEDICAL

ALPITATIONS CORDIS

PATHOLOGICAL ATQUE THIRAM

IN HUIUS RE SPICATIS REPERITUR
HECTICAE MAGNETICAE INTERMITTENS

AD HUIUS RE SPICATIS REPERITUR
D. O. M. D.

CHRISTOPHORO IGALTO DE GADENAY

AMICIS RE SPICATIS REPERITUR
HECTICAE MAGNETICAE INTERMITTENS
AD HUIUS RE SPICATIS REPERITUR
D. O. M. D.

N. HIERONYMI

AMICIS RE SPICATIS REPERITUR
HECTICAE MAGNETICAE INTERMITTENS
AD HUIUS RE SPICATIS REPERITUR
D. O. M. D.

TRO. LICENTIA

AMICIS RE SPICATIS REPERITUR
HECTICAE MAGNETICAE INTERMITTENS
AD HUIUS RE SPICATIS REPERITUR
D. O. M. D.

PER-ILLVSTRI AC GENEROSISSIMO

DOMINO,

DOMINO

GEORG. MELCHIORI
DE LVDOFF,

ACRÆ CÆSAREÆ MAJESTATIS ET TOTIVS
ACRI ROMANI IMPERII JVDICII CAMERÆ,
QVOD WETZLARIÆ FLORET, ASSESSORI
SPLENDIDISSIMO, EXCELLEN-
TISSIMOQVE,

DOMINO SVO PERQVAM
GRATIOSO,
ET COGNATO SVPREMO.

V I R O
NOBILISSIMO ET CONSVLTISSIMO
D O M I N O
CONR. LVDOLFFO
SERENISSIMI AC POTENTISSIMI DANII REGIS
MONETARVM CVRATORI ET PROBATORI,
PATRVO SVO MAGNO HONO-
RATISSIMO,
ATQVE E BAPTISMATIS FONTE SVSCEPTOR
BENIGNISSIMO,

NEC NON
V I R O
NOBILISSIMO, AMPLISSIMO ET CONSVLTISSIMO
D O M I N O
JOH. WILHELMO
LVDOLFFO,
J. V. DOCTORI CELEBERRIMO,
LAUDATISSIMI IMPERIALIS JVDICII CAMERÆ WET-
LARIENSIS ADVOCATO ET PROCVRATORI EXIMIO
ATQVE GRAVISSIMO,
PATRVO SVO COLENDISSIMO
ET PATRONO AC FAVTORI EXIMIO,

PARITER ATQVE

V I R O

NOBILISSIMO ATQVE EXPERIENTISSIMO

D O M I N O

**CHRIST. ADOLPHO
LVDOLFFO,**

PHILOSOPHIÆ ET MEDICINÆ DOCTORI ET PRACTI-
CO TRANTENANENSI FELICISSIMO,

PATRVO SVO ITIDEM COLENDISSIMO,

NEC NON

PATRONO ET FAVTORI EXIMIO.

ET DEMVM

NOBILI ET DOCTISSIMO

D O M I N O

HIERON. LVDOLFFO,

PHILOSOPHIÆ ET J. V. STUDIO, ET FRATRI
GERMANO DILECTISSIMO,

SINGVLIS NATIS ERFFVRTENSIBVS;

Sub felicissimis novi anni auspiciis
Supremum omnium donorum bonorum fastigium,
Perennantem nimirum sanitatem,
nec minus

Exoptatissimum Consiliorum & Negotiorum successum
pariter atque

Summam ac Eminentissimam pro Voto, Desiderio & Meritis cujus-
cunque Felicitatem ac Prosperitatem ulteriorem, cum deside-
ratissimis bonis ac donis, & speciatim Fratri suo Germano
felicem in studiis suis successum
precatur.

Ac simul iisdem

Dissertationem Suam Inauguralem Medicam,

**DE PALPITATIONIS CORDIS
PATHOLOGIA ET THERAPIA,**

In probatissimum *τεκμηρίον*

Submississimæ devotionis & subjectionis erga
alte memoratum

DN. DN. ASSESSOREM,

In Signum evidentissimum Venerationis filialis erga antea Laudatos
Cognatos, Dominum Patrum Magnum & Susceptorem,
n. n. Patruos suos omni honoris
cultu excipiendos,

& tandem

In testimonium amoris erga Fratrem suum,
qua decet Observantia ac Reverentia,
Subjectissima, Devotissima, Decentissima, Deditissima
& fraterna

Dat, Dicat, Dedicat & Consecrat

Per-Illustris ac Generosissimi DN. DN. ASSESSORIS,
Domini sui perquam Gratosi

*humillimus & devotissimus Servus
& Client,*

*Honoratissimorum Dominorum Patruum Magni & Patruo-
rum perpetuus Cultor*

& Fratris Amandi fidus Frater

AVTOR ET RESPONDENS.




Q. D. B. V.

CAP. I.

PHYSIOLOGICAM CORDIS PERTRA-
CTATIONEM EXHIBENS.

§. I.



Um in præsentiarum *Cordis Palpitatio-*
nem pertractandam & pro viribus
perspicue explanandam mihi sumse-
rim, maxime visum fuit, generalia
quædam fundamenta, Physiologica
quidem, hacce de materia delibare,
præprimis quæ *partem Principalem af-*
fectam, Cor, respiciunt, ubi tractan-
dum mihi erit, *quomodo Cor in statu na-*
turali sit constitutum, ubi ejus sit situs, quali fungatur munere in
Machina Nostra, quæ omnia patefient, quando *Definitionem*
genuinam Cordis positurus sum. Certum enim est, & in ar-
te Therapeutica, quanta quanta etiam sit, semper exper-
tum, quod bene distinguens bene doceat, consequenter
etiam bene curet; Nam bene distinguere consistit hic
in genuina & bona cognitione morbi facta, ad quam co-
gnitionem nostri morbi eo melius perveniendam, utram-
que

que fere absolvet paginam, quando *statum Cordis Naturalem* P. N. pramitto.

§. II. *Status* autem *Cordis Naturalis* ex nullo alio fonte erit percipiendus, quam ex *Anatomicis*; *Anatomia* enim in *Medicina* tanta utilitas, tantaque necessitas est, ut sine hac Medicus semper in tenebris versetur, & reipsa nomine Medici indignus judicetur. Ex *Anatomia* igitur patescit Cor esse partem Organicam musculosam, in Thorace sitam in pericardio contentam, Arteriis, Venis, Nervis, Musculis, Auriculis, binisque Ventriculis atque undecim valvulis præditam, ad Circulationem sanguinis, ipsamque sanguificationem rite instituendam, Corpori humano concessam. En igitur Constitutionem Cordis Naturalem, Situm, illiusque Mûnus in corpore! quæ omnia in definitione præposita continentur.

§. III. Cor igitur, quoad primum, invenitur *Substantiæ esse Musculosæ*: Cor esse Musculum negant multi, dicentes: Musculum esse partem Corporis Organicam motui animalis Voluntario dicatam. Conf. Tab. Anat. Welschii, Job. Riolan. *Enchirid. Anat. & Patholog.* p. 83. *Chirurg. Berbett.* p. 444. & Thom. Bartholini *Anatomia* p. 34. de Musculis, pariter ejusmodi conditionis Musculorum definitionem tradit, hinc presso pede sequitur, quod, hac posita Musculorum definitione, non possit asseri, Cor esse Musculum: Certum namque est, & experientia confirmatum, quod Cor præter voluntatem nostram & nobis nolentibus volentibus moveatur, sicque statim concludunt, quia motus adest involuntarius, Cor non esse Musculum ipsum, sed tantum compagem musculorum minorum. Vid. Tab. XLII. supra dicti Welschii. Alii iterum dicunt, quod cor constet & compositum sit ex Musculis, non autem dicere volunt, quod Cor ipsum sit Musculus. Conf. Celeb. Eyselii *Compend. Physiol.* sed, quando hanc rem intimius paulo perpendo, statim apparet, quod contradictionem involvat, statuere, Musculos cordis motorios, & tamen motui involuntario dictos, nam Musculi cordis movent, præter nostram Voluntatem. Sequitur hinc, Definitionem talem Musculi minus genuinam esse, quia non convenit omnibus musculis in corpore nostro

stro existentibus. Alii hanc rem probe inspicientes, aliam & meliorem definitionem Musculi suppeditant v. gr. *Gerardus Blasius in Anat. Contract. pag. 19.* sic definit: *Musculus est Motus partis precipuum instrumentum*, quæ definitio omnibus Musculis recte competit. Sunt alii, qui dicunt Musculos debere constare ex *Capite, Cauda & Ventre*, sive secundum verba memorati *Barthol. p. 38.* *Musculus* dividitur in *principium, medium & finem*; Sed quia hoc de *Corde* non potest dici, concludunt, *etiam non esse Musculum*; Hæc tamen Conclusio non valet, quia dantur alii Musculi in corpore nostro, v. gr. *Sphincter Ani & Vesicæ*, quæ *Capite, Cauda & Ventre* non gaudent, & tamen sunt Musculi, & vocantur *Orbiculares*. Qualem sententiam confirmant quoque Varii Auctores, imprimis *Hippocrates & Galenus*, quorum sententia in eo consistit, ut statuatur; quod *Cor sit Musculus sui generis*. *Musculus καρτα ιχθυος*, ut vocat *Cous l. de corde c. 4. t. 2. Conf. Celeb. Wedelii Physiol. Reform. p. m. 48.* Hoc videmus etiam in *Lowero Tr. de Cord. p. 132.* *Stenonius, de Glandulis & Musc. it. in Specimine musculorum Geometrico*, *Cor esse Musculum* ex totius structura & fibrarum fabrica demonstravit, multis argumentis, quo de legi meretur *Memorat. Barthol. de Thorace pag. 361.*

§. IV. Quod attinet ad situm Cordis, notandum quod in medio Thorace ejus sit situs, Figuræ est piniformis, nonnulli comparantur pyramidi inversæ, secundum *Thom. Barthol.* est Conoidalis, quia in Mucronem exit. Pars Superior & latior dicitur basis Cordis sive Radix. Pars infima acutior dicitur Conus, Mucro, Vertex, Cuspis & Apex Cordis; involvitur Pericardio, tanquam sacculo. Fusior tractatio & explicatio si desideretur hac de materia, potest legi *Riol. de Corde p. 219. & Th. Barthol. p. 355.*

§. V. Pauca quædam ratione Muneris & officii Cordis in corpore nostro esse addenda judico, quia de hacce materia diversi Auctores diversam proferunt sententiam; Sunt, qui putant *Circulationis Sanguinis gratia Cor esse*; Sic *Welschius in Tab. XLII. de Corde* dicit. *Est Compages Musculorum*

minorum, Circulationi sanguinis dicatorum. Sane parvi & exigui momenti Munus, quo fungatur Cor, quali reliquæ arteriæ & Venæ quoque gaudent, nam sunt etiam Circulationi Sanguinis dicatæ; Hinc cordi non essent imponenda alia altioris indaginis synonyma v. gr. Sol Microcosmi, Radix & Thesaurus Vitæ, & sicuti Riolanus de Corde scribit: *Cor est Viscus primum & nobilissimum totius Corporis, fons Nectaris Vivifici, cujus influxu vitalitas singulorum partium recreatur atque fovetur; quod primum nascitur, & ultimum moritur: cujus beneficio vivunt & subsistunt omnes corporis partes.* Hinc majori omnino munere gaudet Cor, quod secundum meam Cordis definitionem in §. II. positam consistit in *Sanguificatione & Circulatione sanguinis.* Duplex igitur est Usus, Sanguificatio & Circulatio; Sunt, qui Sanguificationem in Corde fieri negant, putantes; Cor, ipsique annexa vasa se purè passive habere, & locum saltem his liquoribus pro motu & transitu meliori concedere: dum nimirum Chylus in receptaculum commune, & ex hoc in Ductum Thoracicum delatus, cum sanguine in venis axillaribus, sensim sensimque subigitur, ubi statim adest principium sanguificationis, & tandem successive alteratur, ac Spiritu Vitali imprægnatus, in sanguinem mutatur, quæ actio, speciatim sanguificatio, per continuum motum, tam progressivum, quam localem & agitationem cum M. S. absolvitur, & exinde Sanguificationem non esse actionem Organicam, sed saltem pure similem, adeoque proprie loquendo nullum corporis viscus organorum sanguificationis nomen mereri, concludunt, & sic porro, uti *Charleton in Oeconomia Animali p. 51.* & speciatim *Glyssonius in Anatome Hepatis* habet.

§. VI. Hæc omnia speciem veritatis præ se ferunt, & verum quidem est, quod sanguificatio per continuum motum & circulationem per arterias & venas instituatur & absolvatur, sic recte aliqua limitatione opus habet sententia præsens, nimirum, quod ista sanguificatio, quæ in Corde instituitur, non sit in sensu rigoroso s. Philosophico

co accipienda & arripienda, non proprie, quod nimirum omni ex parte perfecta & absoluta sanguificatio in Corde instituatur, sed tantum improprie, quatenus in Corde fit intimior mixtio & mutatio particularum Salinarum & chylosarum cum particulis purpureis, volatilibus & sulphureis; Porro in Corde Sanguificatio fit *Magisterialiter*, *Ministerialiter* in *Hepate*, *Liene*, & aliis *Visceribus depuratoriiis* s. *cobobitiis*, secundum verba *Celeberr. Wedelii in Patholog. Medic. dogm. p. m. 519.* & quia M. S. ex dextro cordis Ventriculo ad Pulmones per arteriam Pulmonalem s. Venam arteriosam transit, tunc etiam maxima mutatio fit in illis ab aëre inspirato. Hanc igitur insignem mutationem & Chyli in sanguinem conversionem in Corde fieri, vocamus sanguificationem, quæ autem sufficienter absolvitur in Arteriis & Venis.

§. VII. Hæc autem intimior mixtio particularum salinarum & oleoso-sulphurearum absolvitur atque perficitur in Corde, mediante motu, s. pulsu, *constrictorio* & *dilatatorio*, in quo vita sanitasque consistit, nimirum in *Systole*, & *Diastole*, quorum primus sive Systalticus, est proprie sic dicta cordis actio, secundus autem sive Diastalticus est passio cordis, secundum *Riolanum p. 219.* cum excipit, dilatatur, dum expellit, contrahitur; Modus autem fieri sive ratio, quare cor pulset, ita procedit, nimirum Sanguis per Venam Cavam intrat in dextrum cordis Ventriculum, & distendit atque irritat fibrillas cordis, qua distensione & irritatione facta fluidum in nervis contentum summe activum in motum excitatur, ut deinde sese contrahant, sanguinemque propellant, & sic Circulationem per totum Corpus instituant. De ulteriori vero Cordis Usu, quod nimirum *Animæ sit sedes*, nihil æque certi & indubitati dici potest; sufficiat modo hoc scire, quod *Anima sit in toto-Corpore & in qualibet sui parte.*

§. VIII. Et hæc sufficiant, pro scopo nostro obtinendo, nimirum pro explicanda *Physiologica*, sive quod idem est, *Naturali constitutione Cordis*; Ulteriorem & fusio-rem si quis

desideret hacce de parte nobilissima Corporis humani considerationem atque explanationem, placeat evolvere supra allegatos Anatomicos Celeberrimos, quibus hanc rem relinquo, & nunc Pathologicum Cordis statum in me suscipio, pro viribus evolendum & explanandum, & quidem in specie ad Thema praesens exhaustiendum, necessum erit, ut inquiram, qualis sit *status praeternaturalis in praesenti affectu, nimirum Palpitatione Cordis, & quomodo describendus sit, quibus Causis, tam immediatis, quam etiam mediatis & procatarepticis ortum suum utplurimum debeat, ut eo melius etiam hujus morbi Therapia suppeditari queat.*

CAP. II.

PALPITATIONIS CORDIS PATHOLOGIAM PROPONENS.

§. I.

PErtractato statu Cordis Physiologico, ad Pathologicum nunc quoque deveniamus necesse erit, quia sine hac pathologica consideratione Therapia praesentis nostri affectus est manca atque inutilis, in qua Pathologica consideratione delibanda venient varia ad statum P. N. pertinentia, nimirum 1) *Morbus ipse*, ubi definitio istius erit ponenda genuina, 2) *Variae causae*, & tandem 3) *Varia Symptomata & affectus*, ex quibus tam *Diagnos* quam *Prognosis* Palpitationis Cordis institui rite queat.

§. II. In genere autem notandum est, quod *laesiones Cordis variae possint existere*. Aliae sunt magis *Externae* & fiunt a Causis externis; Aliae sunt magis *internae*, & fiunt magis a Causis internis. Aliae iterum *Laesiones* sunt, quae *Substantiam ipsam partis hujus Nobilissimae* concernunt, Aliae; quae *sanguinem in hac contentum*, & iterum Aliae; quae *Motum Cordis respiciunt*. *Externae* Cordis laesiones sunt, quando Vi & impetu instrumento aliquo pungente l. scindente exteriores partes Cordis, ut pericardium, laeduntur atque affi-

ciun-

eiuntur; Ulterius ob consensum Nervorum in aliis morbis v. gr. in Cardialgia, Apoplexia, Vomitu, Cephalalgia & sic porro, cor afficitur & in motu suo plus minus impeditur. Porro ad externas quoque Læsiones Cordis referuntur Vermes in Pericardio geniti, qui affectus admodum rarus est, & paucis, & fere nulli cognitus; Interim tamen *Salius* observavit tales Vermes & *Riolanus* affert Exemplum Angli cujusdam, cui Cor erosum fuit a Verme, qualem Historiam legere est apud *Aurelium Severinum*. Conf. *Riol.* p. 326.

§. III. Læsiones, quæ fiunt magis internæ, sunt omnia in Corde ejusque Ventriculis p. n. reperta: Sic v. gr. *frustulum adiposum*, *Paulinus*, & *Wormius* *Carunculas* quasdam *interius albicantes, exterius rutilo colore emergentes*, invenerunt, qua de re legi merentur *Historia Rariores Thom. Bartholin*. Ubi etiam Exempla exhibuit eorum hominum, qui *polypo Cordis* laborarunt, & ossa atque Cartilagines in Corde interdum se invenisse affirmat. Quæ etiam ipsam Cordis substantiam proprie concernunt, huc trahendæ sunt, in quarum Classem pariter referuntur *Vermes* & *Lapilli* in ipsis Cordis ventriculis geniti atque producti, *excreſcentiæ variæ verrucalæ* cordi vel pericardio adnatæ. Morbi porro, qui ipsam substantiam Cordis respiciunt, sunt, quando Cor, quoad calorem suum nativum sit intemperatius, & inclinet vel ad temperamentum potissimum frigidum, vel ad nimis calidum, seu habitu innato sive acquisito, exinde sanguificatio rite peragi in Corde nequit, hincque particularum serosarum in sanguine pariter atque sulphurearum & terrestrium generationi, & in genere, quoad prius, *Cachexiæ* & quoad posterius, affectui icterico vel flavo vel nigro, vel etiam ipsis febb. ardentibus & acutis, ansa præbetur certissima, Conf. *supra laudat. Wed. Pathol. Cap. De Symptomatibus Cord. & Pulmonum*. Ulterius substantia Cordis proprie afficitur, in istis tristissimis affectibus, nimirum *Hæctica* & *Hydrope cordis*, qui sane atrocitate sua non unum è medio sustulerunt, quorum primus Energiam atque modum
ope-

operandi in eo exhibet, ut Cordis fiat consumptio & depascentia, fibrarumque motricium & fermenti Vitalis scum Veteribus, flammulæ vitalis extinctio, seu sensum sensumque resolutio, a defectu Lymphæ seu chylosæ materiæ nutritis, proveniens; hinc etiam alii autores vocarunt *Tabem*, *Marasmm*, *languorem* & *consumptionem Cordis*. Alter autem ejusmodi Naturam induit, ut abundet p. n. aqua in pericardio: Notum enim est ex Anatomicis, semper sufficientem quantitatem Aquæ sive lymphæ ex glandulis Cordis separatæ in pericardio residere debere, quæ forsitan eam ob causam in hunc locum a Natura deponitur, ut Cordis substantia semper humida maneat & servetur, ad motum eo melius perficiendum; Si igitur defectus hujus materiæ sive lymphaticæ Aquæ invenitur, non potest non oriri prior affectus s. Cordis Hectica, sin autem abundat hæc Aqua plus justo, posterior affectus sive Hydrops Cordis. Ad quam substantiæ ipsius Cordis læsionem pertinet quoque *Abscessus*, qui tamen admodum rarus invenitur.

§. IV. Ex his omnibus recensitis Cordis læsionibus videmus, quod paucæ existant, quæ proprie essent annumerandæ Cordi, sive quarum origo debeatur Cordi, sed semper fere est insons, & alienis vitiis peccat, qualem quoque videtur habere sententiam *Riolanus in Considerat. Cordis Medica* p. m. 225. ideoque pars ista diligenter conservanda, (sc. Cor,) quæ non patitur proprio vitio, sed sordibus alienis, quibus inquinatur & corrumpitur. Et hoc quoque Veritati consentaneum magis videtur, certum namque est, quod modo afficiatur defectu materiæ nutritis, interdum quoque abundantia, modo etiam aliæ circumjacentes partes, ad circulationem sanguinis, ipsamque sanguificationem peragendam perquam utiles & necessariæ, non sunt in debita crasi, in debita constitutione atque dispositione constitutæ, hinc morborum myriades producuntur, & plerumque cordi origo adscribitur, sed minus bene.

§. V. Sanguinem quoque ipsum, alias in statu sano
The-

Theſaurum Vitæ, in producendis atque creandis variis Cordis affectibus triſtiſſimis, ſuum quoque conferre Symbolum, quis non videt? Dum nimirum tam qualitate quam quantitate interdum peccare illum, certiffimum ex Pathologicis eſt, & quod utroque modo poſſit concurrere, & immediate atque efficienter producere hunc noſtrum Cordis affectum, *Palpitationem ſcil. Cordis*, in ſequentibus, ubi de Cauſis erit agendum, demonſtraturus ſum. Jam interim dico, Cordis læſiones etiam oriri poſſe a Sanguine tam qualitate quam quantitate peccante: Evidentiſſimum hujus rei demonſtrandæ Exemplum atque Argumentum habemus in Plethoricis, & iis, qui nimio ſanguine gaudent, quales ſunt Sanguinei, qui variis Cordis affectibus obnoxii ſunt, interdum corripuntur *Syncope*, quando nimirum ſanguis plus juſto ad Cor deferitur, & fibras motrices nimis dilatat, ſicque impedit, quo minus Syſtole Cordis peragi poteſt, h. e. Cor ſanguinem non expellit, ſed ſtagnat in Corde, per conſequens, omnis pulſus & interdum etiam Vita ipſa perit; Experiuntur quoque ſæpius *Lipothymiam*, quæ a Syncope ut majus & minus differt. Si inſimul quoque accedit, quod talia Subjecta Plethorica ſpiſſitudine ſanguinis laborent, ſcilicet quod eorum ſanguis tam quantitate quam qualitate peccet, tunc omnino eorum ſtatus periculoſior redditur, ob concurſum morborum: Sanguis enim talis plerumque in grumeſcentiam abit, atque in Corde & arteriis annexis ad varias Obſtructiones faciendas occaſio datur, hinc veniunt iſtæ excreſcentiæ, quarum quædam Exempla in anteceden- tibus ſunt allegata, iſti *Polypi*, quorum autores paſſim mentionem faciunt, qualem etiam obſervavit *Cel. Eyselius*, in Cadaveris cujuſdam ventriculo dextro, magnitudine juglandi majori adæquantem, exterius albidum, pituita viſcida obductum, interius vero nigricantem. *Conf. ejus Comp. Pathol. p. 122. de Polyp. Cord.* Talis itaque concretio fit a particulis terreſtribus & limoſis, quæ ſenſim ſenſimque lateribus vaſorum ſe affigunt; Qualem quoque rationem

B

nobis-

nobiscum communicavit *Cel. Wedelius* sequentibus verbis :
Vasa, ut Venæ & arteriæ, sunt instar Canalium, unde, sicut alias
aquæ in Canalibus, quos transeunt, materiam limosam, qua scatent,
sensim & sensim deponunt, & ad latera affigunt, ita etiam se res ha-
bet in Vasis: eumque in finem aperientia esse propinanda,
commendat Clariss. ille Vir, Conf. Tract. de Medicam. Facult. co-
gnoscendis & applicandis p.m. 44. Videmus ergo apertam &
evidentissimam Polyporum & in genere omnis congru-
mescentiæ sanguinis generationem, interea omnis sanguis
Crassus, Viscidus, qualis in Cacoehymia, Cachexia & Tem-
peramento ipso phlegmatico, & Melancholicus, biliosus,
polyporum promus condus esse poterit. Ulteriorem &
fusiorem Polyporum Cordis tractationem si quis deside-
ret, evolvere placeat Class. Albini Diff. de Polypis.

§. VI. Unicum in hac materia restat inquirendum, in
 §. nim. secundo hujus Capitis dictum fuit, nonnullas dari
 Cordis Læsiones, *Motum* saltem illius quæ concernunt;
 Ex Pathologia sic non ignotum esse credo, *Motus* Læsio-
 nes triplici modo sese exerere, nim. vel *abolitione, imminu-*
tione & depravatione; Primum quod attinet, quando mo-
 tus Cordis aboletur, hoc deprehendimus in quibuscun-
 que *Syncopticis, Apoplecticis, Lipothymia & Catarrho suffocativo*
 laborantibus, ubi pulsus sive systole & Diastole Cordis pla-
 ne abest, vel ad tempus, interdum quoque in totum, ut in
Asphyxia, sicque moriuntur.

§. VII. Alter gradus, quando nimirum *Motus* Cordis
 imminuitur, videre est in omnibus *Eclysi* laborantibus,
 tanquam primo gradu animi deliqui, ibi invenitur pul-
 sus imminutio sive debilitas, porro in *Tremore Cordis* af-
 flictis, ubi percipitur *Motus* ejus quodammodo deficiens,
 vibrans & tremulus, desumta Metaphora a tremore Terræ,
 cum quo optime comparari posse *Tremorem* Cordis di-
 cit *supra Laudatus Wedelius in Pathol. Medic. Dogmat. pag. 522.*
Germ. redditur Ein Zittern des Herzens, & insequitur im-
 minutæ ac vitiosæ Cordis constrictioni, in qua fibræ
 muscu-

musculorum Cordis celerrime, & quasi semi contracte Systoles & Diaستoles vices obeunt.

§. VIII. Accedo nunc ad tertium & ultimum gradum motus Cordis Laxionis, nimirum depravatum, ut appareat, quo modo Sol Microcosmi in hac motus specie sit constitutus; Videmus igitur, quod 1) in genere omnes inordinati motus, pulsusque Cordis & arteriarum ad hancce Classẽ referendi veniant, quales inordinati motus se exe-runt in omnibus febribus ardentibus malignis & acutis, quando periculosus illarum status adest, & fere mors in olla reperitur, tunc pulsus evadit debilis, inæqualis, inter-mittens, recurrens, lancinans & caprizans, sicque porro. 2) In specie ad hanc classẽ est referendus præsens noster affectus, *Palpitatio Cordis*. Nam in hac non est abolitio motus, alias inter hanc & syncopen ejusque gradus nul-la daretur differentia; Non est porro motus imminutio, quia Cordis motus adest fortis, quin imo sæpissime fortis-simus, adeo ut percipi nonnunquam auditu queat, quod sane in imminutione motus non reperibile; Restat itaque depravatio Motus Cordis, ad quam Palpitationem esse re-ferendam judicavi, quæ *Palpitatio Cordis* autem eo lucu-lentior patefiet, quando ad definitionem Causasque ejus-dem tradendas, pariter atque Diagnosin & Prognosin fa-ciendam, quædam sum prolaturus. Ad quod negotium nunc me accingo *Definitionem primo de Palpitatione Cordis* po-siturus.

§. IX. Antequam autem hoc negotium aggredior, mearum partium esse duco, harum hucusque pertra-ctatarum rerum rationem reddere, si nimirum quis pu-tet, me, in antecedentibus, in pertractandis variis cordis læ-sionibus frustaneum suscepisse laborem, dicens, quod ta-lia omnia ad scopum præsentem, sive ad explicandam & curandam Palpitationem Cordis, neutiquam quid fa-ciant. Sed ad hoc erit respondendum, utique ante-cedentia, Cordis varium statum præternaturalem, ejus-que, varios morbos explicantia, huc pertinere, eam

ob rationem, quia omnes Læsiones Cordis, in hæctenus dictis allegatæ, symbolum suum afferre in producenda *Palpitatione Cordis* varie possunt, sicque facilius erit res in dandis Causis hujus effectus brevitati studere, hoc tamen modo, ut Exempla quædam autorum hujus vel illius Causæ etiam ad illustrandam rem adducantur.

§. X. *Cordis igitur Palpitatio est Motus depravatus, quo Cor ordinem suum pristinum consuetum sive Naturalem in Systole & Diastole non servat, sed immoderata & convulsiva Concussione, impetuosè admodum subsultat, commovetur & pulsatur, a quavis fibrillarum Cordis nervearum irritatione majori vel minori, & hinc dependente irregulari & inordinato motu & influxu fluidi istius nervei, proveniens.* Insignitur hic affectus aliis quoque nominibus: Sic vocatur *Saltus cordis*, a Scaligero *subfilitio Cordis*, Germ. *Hertz-Klopffen/ Hertzbeben/ oder Zittern des Hertzens.* Vocatur etiam a Nonnullis *Tremor Cordis*; Communiter hic Tremor Cordis & palpitatio, pro uno eodemque habentur, cum tamen toto cœlo differre ex antecedentibus certum est, Palpitatio enim est immoderata & vehemens Cordis concussio, impetuosissima Systole ac Diastole molesta, in qua Cor violenter concutitur & quatitur, qualis motus recte dicitur ab Hippocrate *Nestro Coor*, a quo jam suo tempore Cor habitum fuisse pro Musculo, in Capite primo demonstravi, Convulsio Cordis, qua de re fusiores explicationem nobis suppeditavere *Lowerus Tract. de Corde p. 132. Mayow de Motu Musculorum p. 95.* qui modum, quomodo fit Palpitatio, distinctè demonstravit. Tremor Cordis vero dicitur, cum minores pulsus & crebriores, & quasi tremuli, pulsui languido & crebro similes sunt observandi; In Palpitatione Cordis fibrarum vehementiam, in Tremore vero earum crebritatem adesse observavit *Willisus in Pharm. Rat. P. I. p. 260. Hoffmannus & cum hoc alii* inter Palpitationem & Tremorem, hancce posuere differentiam, sane non parvi pendendam, quod nimirum Tremor sit Palpitatio levior, Palpitatio vero vehemens Tremor, & sic, ut hic duo affectus, inter se invicem probe

probe distinguantur & ob diversitatem Motus unus ab alio separaretur, optime commendant, *quo de vid. Wedel. Pathol. Medic. Dogm. p. 522.* In genere est hæc differentia adnotanda horum affectuum, qualem etiam in antecedentibus injunctam esse ex §. VII. *hujus Cap.* constat, quod nimirum uterque affectus ad motus depravationem sit adducendus, sed quod prior affectus nim. *Palpitatio Cordis* magis sit motus depravatus, auctus & vehemens, Posterior autem, magis imminutus & debilis.

§. XI. Bene quoque ulterius distinguendus præsens affectus, bene si concipere illum intendimus. Non enim hic intelligenda est *palpitatio Cordis Naturalis*, quam in meam jam considerationem non cadere ex Definitione in §pho antecedenti exhibita, liquet; Aliud enim est σφυγμός, Pulsus, aliud παλμός, Palpitatio. Ulterius per hanc Palpitationem non sunt intelligendi, Pulsus absolute aucti, in quantitate peccantes atque immoderati, non naturales quoque a Causa externa transitoria, non morboſa, provenientes, porro illi, qui in sanis quibusvis a motu corporis & animi fortiori, ebrietate, Venere, balneis & aliis contingunt; Tandem pulsus aucti a Causa morboſa, unde in febribus quibusvis tam continuis quam intermittentibus, tam malignis, quam benignis, pulsus quidem celer, velox atque citatus adest, proprie tamen loquendo Cordis palpitatio non locum habet; Hæc omnia non pertinent ad præsentem scopum, dum non respondent rite Definitioni data, sed tantum *Motus depravatus Cordis*, qui ordinem suum pristinum & consuetum non servat, venit considerandus, qui interdum pro ratione Causarum Major vel mitior aliquo modo existit, interdum cum febre est conjuncta, & tunc Symptomatis naturam induit, sicuti interdum solet supervenire Morbo Gallico, & febribus pestilentialibus & malignis: Interdum autem & frequentius citra febrim, quando nimirum Præternaturaliter Palpitatio inducitur a spasmis Cordis, a materia crassa vel irritante, quæ Cordi inhæret. Hinc Differentia ista est advertenda, quod *alia Palpitatio* sit

& fiat per *consensum*, nimirum ubi aliæ partes in nostro Corpore in causa sunt, ut producat talis affectus; *Alia* autem per *Essentiam*, ubi nimirum ipsa Causa & Fons hujus affectus latet, & quærenda sunt in ipso Corde, s. etiam sanguine, in Corde sive vasis annexis stasim & coagulationem intendente; *Alii* aliam hæc posuere differentiam & distinguunt in *Symptomaticam*, quæ nimirum secundum nostram divisionem fit per *Consensum*; Et in *Idiopaticam* s. per *Essentiam*; Hæc ultima species, licet plerumque sit citra febrem, tamen periculosiorem priori esse, *Experientia* constat, quia ut plurimum nobis indicantia sufficientia deficiunt, utrum adsit *Sanguinis stasis*, utrum adsit *Polypus Cordis*, nec ne? In tali autem palpitatione, ubi nimirum ab effervescentia sanguinis & exastuatione provenit, qualis in febribus est, tunc curata febre, & sublata, curatur & auferatur etiam Symptoma, sive *Palpitatio Cordis*. Utriusque autem speciei Palpitationis Cordis Therapiam s. medendi methodum q. f. p. sum traditurus in ultimo Capite.

§. XII. Nunc ad ulteriorem Definitionis meæ *Explicationem* ut progressum faciam, necesse est, ubi maxime iste labor eò erit directus, ut Symptomata sive signa, ex quibus iste affectus erit cognoscendus & dijudicandus, non solum ex Definitione posita eruam, sed & Exemplis aliorum Autorum illustrem; Ex his igitur verbis in Definitione positis: *Quibus Cor ordinem suum pristinum Consuetum sive Naturalem in Systole & Diastole non servat, sed immoderata & convulsiva Concussione impetuose admodum subsultat, commovetur & pulsatur*. Ex his, inquam, verbis Diagnosin deducendam esse nemo negabit, quæ adeo dijudicatu est facilis, ut statim ipsis fere sensibus occurrat, nimirum Visu, auditu & tactu sæpissime allegata Symptomata, Morbi præsentiam s. Diagnosin certo indicantia, certo quoque percipere possumus. Sufficiens quidem hæc omnia ex pulsu cognosci nequeunt; igitur sæpius necesse est, regioni Sterni circa latus sinistrum, ubi Cordis pulsus optimus, admove manu pro rite percipienda cordis palpitatioe, variisque Symptomatibus in
ista

ista contingentibus, & hoc fit, pulsu arteriarum interdum salvo, interdum tamen mutato & plus justo celeriori, prout malum vel leviori vel peiori in statu observatur esse. Et hoc, ut nimirum tactu perspiciamus in Carpo vel regione Sterni praesentiam affectus, non semper opus esse, Experientia variorum Exemplorum testis est, cum interdum adeo sit vehemens, ut solo auditu possit percipi, visuque cognosci, tanta interdum cum vehementia, ut sonitus ad distantiam & ab adstantibus percipi potuerit, qualia Exemplum nobis praebent, *Tulpius* & *specialiter* l. 2. Obs. 25. Ubi palpitatio (orta a Lapillo in Corde) praeforibus & Conclavi a praetereuntibus distincte percipi potuit. Idem & *Forestus* lib. 17. Obs. I. *Bartholinus* Hist. Anatom. 18. Cent. I. sicut etiam *Epiphanius Ferdinandus* Hist. 79. culcitras superstratas amovisse observavit, vel etiam costae distractae, & fere diffractae fuere: Vid. *Schenkius* lib. 2. Observ. *Horstius* lib. 3. Obs. 17. *Hæchstædterus* decad. 9. p. 361. *Mayow* de motu Musculorum p. 96. *Piso* de Colluvie serosa p. 166. notat palpitationem Cordis, in qua indumenta quasi flabello mota inaequalem cordis motum amulabantur, & Thorax & Sternum ab illo motu a sede naturali dejecta mediocriter extuberabant; *Fernelius* etiam scribit de Palpitatione [quadam, tanto fragore facta, ut saepe animadversa sit thoracis vicinas costas effregisse, & eas, quæ supra Mammam sunt, de propria sede depulisse: saepe etiam arteriarum foras dilatasse in aneurisma contracti pugni magnitudine, in quo & tactu & visu conspicua fuit pulsatio, quod de evolvi meretur *Wedelius* in Patbol. p. 521. Frequenter cum his signis alia sunt conjuncta & conjungenda, quod nim. fit citra febrim, citra virium debilitatem notabilem, quin potius ejusmodi patientes soleant esse *ὁρσώμενοι*; Solet ut plurimum esse periodica; Anteit non raro Cardialgia, Ructus & alia flatuum signa, sequitur interdum & antecedit in majori Palpitationis gradu anxietas circa praecordia, & in respirando difficultas, succedit quoque Vomitus, Lipothymia, tunc etiam mors erit timenda, & hæc fiunt cum pallore faciei, vocisque liberiori usu impedito.

§. XIII. *Causas* quod concernit, meum jam erit, *Causam Palpitationis Cordis immediatam sive Proximam* dare, quam in his verbis definitionis meæ inclusam atque contentam esse judico, nim. *A quavis fibrillarum Cordis nervearum, ejusque musculorum irritatione majori vel minori, & hinc dependente irregulari inordinato motu & influxu fluidi istius nervei, proveniens.* Hæc, reor, est *Causa immediata*, qua posita, ponitur effectus, sive *Palpitatio*; qua ablata, aufertur.

§. XIV. *Ad Causas Mediatas sive Antecedentes*, omnes istæ videntur reducendæ, quæ quacunque ratione aut *musculos Cordis, aut Nervos ad Cor derivatos* irritare & vellicare possunt; Talesque irritantes *Causæ* investigandæ atque quærendæ sunt, vel in ipso organo moto, corde nimirum ipso; Vel in motus mediis, h. e. in *Nervis sive Musculis*, Cordis motui interfervientibus. Ratione Cordis causa irritans est respectu ejus *Parenchymatis* vel extra Cor in ejus ambitu, vel intra Cor & *Ventriculis* ejus, de quibus fere omnibus in antecedentibus, aliqua mentio est facta.

§. XV. Inter *Causas Mediatas*, ad Cor ipsum & specialiter ad ejus ambitum spectantes, adnumeranda jure meritoque sunt omnia præternaturalia in pericardio tanquam involucro Cordis contenta atque reperta, præprimis aqua in Pericardio nimis abundans, quam nihil aliud esse, quam *Lympham*, eo per certa vasa lymphatica derivatam, & ex glandulis Thoracis se eo effundentem, probabile videtur, sicut etiam in §. III. hujus cap. dictum fuit. Insuper quoque *Marchette* observavit ductum ex inferiore corpore ad pericardium lympham deducentem: qua lymphæ abundante pressa deinde sequitur pede *Hydrops Cordis s. Pericardii*, cujus præsentia distenditur pericardium, & quia ista Aqua, dum moveri nequit, sed stagnat, putredinem induit, maximo sic opere cor irritari, & palpitationem molestantem æque atque diuturnam per hanc oriri valere, nemo non videt. *Conf. Amatus Lusitanus Cent. 3. Cur. 43. it. Piso Tr. Citat. pag. 186.* qui etiam refert, quod in iis, Cordis qui palpitatione laborant, repertum post mortem fuerit pericardium copioso
fero



fero distentum. Hæc itaque Causa Mediata Palpitationis est gravior omnibus reliquis speciebus, dum omnia fere remedia incassum, ad pellendam eam, adhibentur, qualem sententiam approbasse videtur *Galenus lib. 5. de loc. affect.* sic scribens: *quod aqua abundans in involucro Cordis sit causa palpitationis, quæ sit una ex gravissimis, contumax & raro fere curabilis, propterea, quod neque dissolvi neque discuti possit*; Tale Exemplum illustre præbuisse superiori Seculo *Maximilianum II. Imperatorem*, & de quo plura Consilia, sine tamen forsan emolumento, Ægroque levamine, scripta fuisse, dicit *Cel. Wedelius in Patholog. superius citat. p. 523.*

§. XVI. Ad Causas Mediatas, præprimis extra Cor, sive ambitum ejus positas, referenda quoque sunt tubercula, pariter atque excrescentiæ verrucæ, cordi vel Pericardio adnatæ, quibus vel maxime palpitationi Cordis admodum vehementi ansa dari potest, quarum historia & existentia in §. III. huj. cap. aliquo modo est delibata; Exempla harum post mortem in dissectionibus repertarum videbimus in *Schenckio lib. 2. Observ. p. 214.* qui Exemplum Sacerdotis cujusdam allegat, ubi post mortem circa cordis basin excrescentia carnea reperta fuit, item in alio, de quo vid. *Bonnetus Sepulchreto p. 639. & 640. 651.* nec non *Zacutus Lusitanus l. 8. Med. Princip. Hist. Cap. 8. Obs. 3.* ubi ex excrescentia Carnea inter arteriam magnam palpitatione cordis insignis orta fuit, & alio loco memorat modo dictus autor palpitationem a carnea excrescentia in pericardio, durâ, nigrâ l. 2. *Pr. H. obs. 3.* Sic ex trunco arteriæ magnæ prope Cor osseo, palpitationem Cordis gravem observavit *Willisus in Pharm. Ration. pag. 246.* Ob venæ pulmonalis cardilaginem adnatam & fere obstructam palpitationem Cordis notavit *Mayow de Motu Musc. p. 97.* Lapilli etiam in Corde dari refert *Scholzius in Consil. 103.* qui invenit Lapillum, nigricantem in eo, qui tali morbo correptus fuit; De Polypis & calculosis concretionibus, quibus illatum fuit hoc malum vid. *Horstius in Obs. & Hoeferus in Herc. Medic. pag. 89.* *Grembs Arbor. l. 2. c. 1. §. 8.* quod etiam bilis retorrida in to-



phi nigri speciem reducta, produxerit hoc malum, *Vid. Fernel. Pathol. l. 5. obs. 17.*

§. XVII. Causarum quoque Mediatorum Palpitationis Cordis nomen merentur *Vermes*, tam extra Cordis substantiam, in Pericardio, quam etiam in Ventriculis Cordis ipsis hærentes; Et quidem in specie iste a variis autoribus sic dictus *Vermes Cordis*, German. *der Herzk-Wurm*, quem affectum admodum esse rarum, paucisque cognitum, proposui in §. II. huj. Cap.

§. XIX. De Causis quoque Mediatas, in *organo moto, Corde nimirum ipso*, locum habentibus, aliquid dicendum erit; Ejusmodi naturæ sunt *Abscessus Cordis*, de quo quidem affectu autores passim loquuntur, attamen istum esse valde rariorem fatentur; Frequentiores autem esse judico, qui in ipso sanguine sciscitandi occurrunt, talesque omnes sunt, qui sanguinis motum quacunque ratione impedire queunt, unde circa radices vasorum & cordis basin aggestus, ad crebriores & validiores contractiones, adeoque palpitationem, concitat. *Willisius* hanc Causam quoque frequentissimam invenit in *Pharm. rat. P. I. p. 263. Conf. M. A. N. C. Ann. 2. obs. 197. p. 299.* confirmatur etiam a *Foresto l. 17. Obs. 1.* Sanguinem quod spectat, sciendum, quod vitiosus, turgescibilis & fermentatione nimia efferatus, utique autor possit esse Palpitationis; Uti a sanguine, rarecente naturaliter, expansum cor irritatur ad sui constrictionem, ita ubi præternaturalis est fermentatio, etiam consequenter non potest non p. n. irritatio, & ex hac p. n. & violenta contractio atque dilatatio oriri. Hinc omnes febres, tam cum malignitate, quam etiam sine hac, existentes, Symbolum suum, ad palpitationem Cordis efficiendam, conferre, quis nescit?

§. XIX. Solet quoque alias Palpitatio Cordis frequens existere, duplici modo, vel ob sanguinis *intrinsecam constitutionem*; Vel propter *nervos*, Cor moventes, *convulsos*, sicut ex antec. §§. patescit. Ratione Sanguinis triplici ex causa; Vel ob anomalam Sanguinis in præcordiis turgescientiam; Vel ob acidum, austerum & corrosivum factum

ctum, in sanguine latens & Cor vellicans; Vel ob grumulos, ut ita dicam, sanguinis, ab acido isto condensatos, atque coagulatos, in Corde relictos, qui inter Cordis Valvulas hærent, & non raro impacti & stagnantes redditi, talem palpitationem Cordis producere valent.

§. XX. Transitus nunc à me ad *Causas Procatarcticas*, quas alii *Occasionales* sive *Remotas* appellare malunt, erit instituendus, & has, ut inquiram, valdopere necessarium esse judico, dum ad Curam hujus affectus rite instituendam pariter atque absolvendam, absolvunt fere utramque paginam; Qui labor autem in eo consistet, ut perconter subjecta, qualia nimirum ad productionem Palpitationis idonea sint atque concurrant, porro, status quosdam morbosos, quibus, remote tamen & occasionaliter, ansa dari potest; hoc est, inquirendum jam erit in hoc negotio, quænam ex rebus Naturalibus, N. N. & P. N. in productione Palpitationis concurrant?

§. XXI. *Causæ itaque Naturales* primum considerandæ sunt, ad quas refero *fæminas gravidas & viros, ad senilem deflectentes ætatem, omnia Subjecta Sanguinea, omnesque Plethoricos*, quibus si simul accedat vita bona & lauta, tunc utique sanguis plus justo augetur & movetur ad Cor, quia omnis in corporis partibus consumi nequit; Adveniente quoque vita sedentaria, maximisque cum curis & terroribus conjuncta, tunc utique status redditur gravioris conditionis, quia tunc stagnare, stasque induere humores, ita etiam sanguis in Corde, incipiunt; Deinde quoque ad faciendam Palpitationem Cordis in talibus subjectis suum præcipuum contribuit, quando nimirum vita lauta & sedentaria maxime in istis in consuetudinem abiit, & præter spem tempore aliquo fortiores atque insolitos corporis motus in se suscipiunt, & hoc varie fieri potest, v. g. Equitando, rheda minus commoda & apta vehendo velociter, vel quoque res domesticas graviores sabeiundo, tunc usu venire solet illud, quod motus exterior juvet motum interiorem, tam peristalticum, quam etiam sanguinis

C 2

nis circulatorium & intestinum, quia itaque jam motus exterior corporis est maximus, tunc producit quoque motum interiorum sui similem, sic sanguis in motu plus solito augetur, ad Cor promovetur, quapropter non potest non exinde pressio quasi oriri pede sensatio talis molesta, sive irritatio Cordis.

§. XXII. *Causis quoque Occasionalibus sive Remotis & quidem ex numero Natural. ulterius adscribendæ sunt dispositiones & constitutiones scorbuticæ & biliosæ, imprimis autem Temperamentum Melancholicum; Minus vero quibusdam probabile hoc videri poterit, quod assero, oriri nimirum posse palpitationem Cordis, tam Temperamento Sanguineo quam etiam Melancholico, h. e. tam abundantia, quam etiam defectu sanguinis; Sed quod hoc ex Pathologicis ita se habeat, probat mecum Cel. Wedelius in Pathol. Med. Dogm. p. 525. Quod nimirum grumescencia fieri possit sanguinis, ex causa modo positiva, modo privata, h. e. absumpto plus justo & inæqualiter sero. Hancce absumptionem itaque feri contingere in subjectis Melancholicis, ad unum omnes, unoque ore fateri necesse est, quia ex Historia talium Subjectorum constat, quod sint præ aliis ficcioris Sanguinis & Corporis constitutionis, & quando Venæsectionis usum cordi habent & instituunt, semper sanguis existat nimis crassus, & rubore valde obscuro, etiam non tam cito e Venis secatis effluat, ut in aliis contingere solet, Sero in Sanguine gaudentibus; Hinc videmus, quia Sero defectu laborant Melancholici, quod talia subjecta privative sint prona ad stagnationem talem, sanguinisque ingrumescenciam subeundam; In priori autem Casu, in Sanguineis & Plethoricis, fieri magis positive, ex eo elucescit evidentissime, quod posito Sanguine atque sero sint prona ad ingrumescenciam & stasim. Ubi insuper adest dispositio scorbutica, tunc hæc sola ad hoc malum perficiendum esset sufficiens, eorum enim Sanguis scatet multis particulis heterogeneis, acidis, austeris, & ita dictis scorbuticis, & quia ex Natura Nervorum notissimum est, omnia acida,*

acida ipsis esse inimica, per consequens, si tale quid ad Cor adducitur, tunc utique fibrillæ, Cordis motrices, nervæque existentes, in naturali suo motu impediuntur, atque ad inordinatum motum convulsivum & inæqualem, qualis in palpitatione fit, irritantur. Possunt etiam hæ particulæ heterogeneæ, superveniente mala Diætâ in adhibendis Rebus N. N. successu temporis, magis condensatæ & in unam fere massam collectæ, stagnationem in ipso corde procreare, quam deinde Palpitationis Cordis autorem esse, ex antecedentibus satis demonstratum est.

§. XXIII. Ut *de Rebus N. N.* etiam, quatenus nimirum ad præsentem nostrum affectum efficiendum, occasionem & Symbolum suum conferre possunt, aliquid mihi dicendum suscipiam, officii ratio postulat; In hoc autem ordine Causarum N. N. prima sese vice offert *Aer*; cujus U-
sus tantus est in Corpore nostro, ut hujus absentia, absit pereatque vita nostra; Tamen, si injusto & minus legitimo tempore, & vitioso ex particulis terrestribus nocivis utatur, maxime magis nocumento quam emolumento cedere potest; Sic quando quis v. gr. Post Venæsectionem l. cucurbitularum applicationem vellet uti aere nebuloso, minus sereno & frigido, tunc utique pori plus justo occluduntur, totum corpus particulis nocivis inquinatur, quæ deinde per motum Sanguinis Circulatorium ad Cor moventur; Sanguis quoque, qui per Venæsectionem sive Cucurbitulas fuit aliquo modo avocatus a Corde s. a Centro ad Peripheriam & in motum redactus, subinde repellitur a Peripheria ad Centrum, nimirum ad Cor, interdum a nimio frigore coagulatus & quodammodo condensatus, & sic palpitatio Cordis insequitur certissime. Aer potest etiam damno esse, quando nimirum quis, noctu dormiendo, aeri sese liberiori & frigefacto exponit, tunc utique sanguinis motus impeditur, adylos diapnois non genuino modo, sicuti par esset, succedit, sicque Cor ad irregulares & inordinatos motus vel maxime disponitur. Sicut autem aer *frigefactus* nocere potest, ita etiam *calefactus*
C 3 nimis,

nimis, ita si aliquis Sole sereno, diebus e. gr. Canicularibus, nimis utatur, tunc utique Calor externus juvat Calorem internum, per hunc Sanguis plus justo extenuatur & citius solito movetur, tunc *positive* producitur *palpitatio Cordis*; *Privative* autem, quando, dum Sole sereno aër nimis expanditur, atque sanguinem rarefacit, Diaphoresis plus justo instituitur, & per hanc, Serum in Sanguine contentum absumi, & absentia hujus, stasis & stagnatio produci posse, experientia, optima rerum Magistra, testatur; Quorsum itaque veniunt illæ orgasticæ Commotiones Sanguinis & Cordis? ex nullo alio interdum fonte, quam ex immoderato & illegitimo aëris usu.

§. XXIV. In ordine causarum N. N. ad palpitationem Cordis, remote quidem, concurrentium, considerandi sese offerunt *Cibi Potusve*; quorum pariter ac aeris tantus est usus, tantaque in Machina humana utilitas, ut sine his impossibile sit, qui vivere possit homo. Tamen in maximum cedit nocumentum, interdum quoque corporis interitum, quando nullo cum moderamine, nulloque discrimine facto, illis utimur atque vescamur. De his quidem ut plurimum aliena sunt mente, hominum Vulgi, Diætam in cibo potuve rejicientes atque dicentes & proclamantes: *Ich esse und trinke, was mir schmeckt*. Sed maximo in errore versari ejusmodi homines, qui præsentī affectui ansam præbet, demonstraturus sum. Certa autem & in Experientia Medica experta satis res est, quod sanguificatio ex immoderato Ciborum & potuum usu lædatur, si nimirum assumpta minus sint commoda, *εύχυλα* & *ευπεπτα*, cruda, frigida, mucilaginosa, viscosa, obstruentia, acria, acida, & sic porro; unde fit Chylus vitiosus, & posito hoc, sanguis, qualis enim Cibus, talis Chylus, & ex Chylo reliqui humores. Hinc verissimum judico esse Axioma illud: Quod non corrigitur in prima coctione, illud nec in secunda nec tertia emendatur; Hinc isti Cibi ad productionem Palpitationis Cordis faciunt, qui ejusmodi præscriptæ indolis sunt, qui que in coctione prima non rite resolvere possunt, adeoque cru-

cruditates relinquunt, quæ deinde grumescentiam sanguinis & stagnationem ejus haud raro minantur; hoc quoque usu venire solet in omnibus cibis plus justo acidis. Cibi etiam optimi ad palpitationem faciunt, nimirum, quando in assumendi modo exceditur, & magis, quam par est, nutriunt. Visum etiam est hoc malum provenire aliquando ab usu Cinamomi largiori. Potus acidi & frigidi valde hoc loco nec sunt excludendi; De prioribus certus quilibet erit, quod acidi cibi minus conducant; De posterioribus autem, nim. de frigidis, adhuc quibusdam sub judice lis est, utrum in palpitatione procreanda concurrant, nec ne? sibi firmissime persuadentibus, quod potus frigidi, quin imo frigidissimi, post admissum fortio-rem corporis motum, optimi, & ad animum corpusque, siti motuque emaciatum reficiendi, pariter atque recreandi ergo conducibiles sint: Sed sicut in communi proverbio loquimur: *Una hirundo non facit ver*; Ita & in hoc locum habet, quod potus frigidus ab uno alterove semel haustus, post fortio-rem motum, nihilque mali & nocivi post se trahens, tamen in nonnullis, quin imo multis, maximo possit esse nocu-mento; Qualia exempla prostant: nam tum aliquis cor-pus fortius movet, ex antecedentibus clarum est, quod san-guis etiam fortio-rem solito motum in Corpore subeat at-que perficiat, si itaque talis frigidus potus cito ebibitur, tunc maxima non solum oritur refrigeratio in Ventricu-lo, sed & intestinis, & sanguine ipso, antea calido nimis, nunc fere frigescente, hinc non infrequenter dicunt: *Es ist, als wenn ein kaltes Eis im Geblüth sich bewege*. Sentiant non raro horripilationes & horrores fortes, dicentes: *Es läuft mir Eiskalt über die Haut*, & frequentissime *Palpitatio-nem Cordis gravem*.

§. XXV. *Somnum & Vigiliæ*, quatenus nimis vel mi-nus admittuntur, in productione Palpitationis Cordis suum quoque ἐπὶ βάλλον μέρϑ addere, constat; Siquidem quando *Somnus in longam diem protrahitur*, & exinde consuetudo fit, tunc corpus redditur ignavum, & ad labores quosdam, ut
movea-

moveatur corpus, subeundos, tardiosum, sicque vel maxime stagnare incipiunt humores, in sanguine cruditates & particulae heterogeneae, quae continuo alias blandiori motu per Diaphoresin excernuntur, ibi retinentur, & ad Cor iterum deferuntur in magna copia. *Vigilia nimia* sanguinem Sero & volatilitate depauperant, sicque ad *palpitationem Cordis*, quae in *Causa Privativa* consistit, concurrunt utique. *Somnus* quoque *post pastum* institutus non semel in causa fuit, ut exinde *palpitatio* orta sit, siquidem per hunc, coctionem Ciborum & deductionem in intestina, rite non procedere posse, nemo negabit, sic, quando in coctione prima vitium inest, tunc etiam in altera, & hinc provenit *palpitatio Cordis*.

§. XXVI. Somno & Vigiliis merito brevibus adjungenda sunt, *Motus* & *Quies*, utpote quae tantum ut genus & species differunt; Actum de hisce Rerum N. N. speciebus aliquid esse in §. XXI. huj. cap. puto. In utraque autem specie concurritur ad producendam *palpitationem*, quando *vel in defectu vel excessu* instituitur; *In defectu* instituitur vita lauta atque sedentaria; Nihil magis sane est efficax, quam si sufficiens corpori motus desit, ad *palpitationem Cordis*; Vita enim & sanitas consistunt in motu: si itaque iste deficiat, tunc humores stagnant, subsistunt, atque ad varias *Cachecticas, Cacochymicas, Hydropicas, & Scorbuticas* & tunc ad *palpitationem Cordis* occasio certissima datur. *Motus in excessu institutus*, ejusmodi indolis quoque est; Sic v. gr. ad stagnationem & occlusionem pororum concurrit, quando post motum corporis insolitum & fortiolem, corpus locis frigidis, gramine circumdatis, mandatur, & interdum quoque denudatur, sic subitanea sanguinis mutatio, qualis etiam in potu frigido, post calorem est facta, exinde oritur, M. S. exagitatur, & citior ad Cor movetur. De *Quiete excedente*, non est, quod multa tractem, siquidem pertinet ad Somnum longum; Quietis plus justo deficientis noxa pertractata quoque fuit in vigiliis nimis: Sic v. gr. *Literati* saepius *Palpitationem* experiuntur, sane non

non raro solet hoc malum provenire, quod parva quiete fruuntur, diesque noctesque studiis incumbendo consumant; Nullo peiori modo corpori noxa infertur, quam si quies debita illi detrahatur, sanguinem enim depauperat, particulæ serosæ, volatiles & laudabiles per continuum laborem absumentur, sicque ad stagnationem eorum humores vel maxime proni existunt.

§. XXVII. *Ad Animi Pathemata in ordine Causarum N. N.* nunc inquirenda depropero, quorum Operatio & Energia in Corpus humanum tanta est, ut sæpius causa multorum malorum incurabilium producendorum, existant; Sic Exempla eorum prostant, qui tantam palpitationem Cordis ex istis experti sunt, ut incurabilis sit visâ, & interdum syncope corripiantur. In animi pathematum numero ira ferre & terror primo ponuntur loco; Ira & terror humores, imprimis Sanguinem in motus perturbatos & irregulares ciere, ac nervos, inordinato motu fluidi istius Nervei spirituosissimi, irritare atque concitare possunt; Præprimis malum Palpitationis Cordis gravius redditur, si ægri fortioribus motibus Corporis insuper utantur, v. gr. Quando quis terrore incendii alicujus sibi suisque periculosissimi & proximi afficitur valdopere, & in hoc terrore est insuper laboriosissimus in rebus suis domesticis eportandis, tunc quam maxime efficax est hic terror, ut producat gravem Cordis palpitationem. De ira certum omnino atque expertum est, quod humores & Sanguinem in motum fortio-rem reducat atque exagitet, quod videre est ex pulsu ejusmodi irati, qui semper celer, fortis, vehemensque existit post iram. Non negligenda quoque est *tristitia* & *mæror*, in productione palpitationis, dum constat, quod, si corpus sanitate velit frui, mente sana gaudeat necesse est, alias corpus fit impurum & cruditatibus multis oppletum, si tale principium informans in corpore nostro non bene sese habeat. Ex solo *odore* aliquo ingrato quidam palpitationem experiuntur, imprimis *mulieres hystericæ* & *gravidæ*, quando interdum ex improvise *odore balsam. cujusdam bene odorantis*

D

affi-

afficiuntur, & aliæ, quando *Castoreum* offertur in Medicamentis, tunc Cor incipit palpitare; Ut plurimum autem ex dispositione hæreditaria tale quid venit, quemadmodum & hoc, quod quidam a primis incunabulis non perferre potuerint *feles*, vel *Caseos*, si tamen felis præter spem in hypocaustum intrat, tunc afficitur statim tale subiectum pallore primum faciei, cum anxietatibus præcordialibus conjuncto, dein palpitatione Cordis gravi, & si non pellatur felis ex hypocausto, futurum sane esset, ut *Lipothymia* vel *Syncope* corripiatur tale subiectum; Tale quid quoque evenit in subiectis, caseum non perferentibus, quando caseus cibis, quibus vescuntur, istis nescientibus, intermiscetur, tunc statim anxietates maxime & palpitationes accedunt, usque dum per vomitum iterum rejiciantur nocivum.

§. XXVIII. Tandem in Causis occasionalibus N. N. ultima vice pertractanda sese offerunt *Excretiones* & *Retentiones*, quæ pariter ad palpitationem Cordis concurrunt, quales sunt 1) *Evacuationes sanguinis artificiales assuesctas negligere*; Sic ii sæpius conqueruntur de palpitatione Cordis, & si ejus causam occasionalem inquiramus, hæc nobis sese offeret, quod *Venæsectionem* vel *cucurbitularum applicationem* consuetam ex negligentia forsân omiserint, etsi hanc in statu Plethorico vel quocunque alio, invenimus palpitationem, statim esse Venam secandam, in Capite Therapeutico tradam. 2) *Ad excretiones pertinent quoque Purgationes Laxativa, & Vomitiones*, quæ certo & assueto tempore, ad primas Vias expurgandas assumuntur, quæ si negligantur, palpitatio quoque in conspectum venit, quia cruditates, quæ excerni debebant, retinentur, & ad sanguinem deferuntur, hinc stagnationes in Vasis majoribus, Cordeque, & tunc palpitatio oboritur pressio pede. 3) Huc trahenda quoque veniunt *Balnea, Corporisque sudores & pediluvia* certo atque assueto tempore instituta artificialiter, quæ si omitantur, pariter ejusmodi effectus provenit, nam sanguis coagulans & grumescens, per talia balnea, pediluvia, corporisque sudores, advocatur a Corde, deducitur ad artus,

tus, expurgatur a particulis heterogeneis; quæ si omittantur, tunc hæc omnia non fiunt, sed Cordi sunt noxæ.

§. XXIX. Paucis nunc, pertractatis Causis Procatarecticis Naturalibus atque N. N. *ad Causas præter Nat. Occasionales* tradendas, ut me accingam, necessitas postulat, quarum in producenda Cordis Palpitatione concursum varium delibaturus sum. Notandum itaque est; Quod omnes *Hypochondriaci atque Splenetici* ad hanc palpitationem sint proni, quia in istis stagnatio sanguinis & obstructio in vasis minoribus Hepatis & Lienis adest, positaque hac stagnatione sanguis non genuino modo circulari potest, sicque ad varium inordinatum motum Cordis occasio præbetur. In *Hypochondriacis & Scorbuticis* hoc notatu dignum invenitur, quod, qui obnoxii sunt spasms nervorum, imprimis ramus intercostalis & paries vagi, exinde sentiant hunc affectum, ut in talibus affectibus confirmatis, quando v. gr. Lienis incumbunt, subinde cordis contingat palpitatio; Quare autem hoc fiat, nobis suppeditavit *Celeb. Ettmullerus in Part. II. Oper. Medicorum Theoret. Practic. p. m. 441.* hisce verbis; quod nimirum oriatur propter Ramum Splenicum nervum satis insignem tunc spasmò correptum, qui spasmus plexui Mesenterico nervorum communicatus nervum paries Vagi afficit, quod, uti ad quæcunque viscera interna, ita & copiose ad splenem derivatur, a cujus furculis movetur Cor, & ita afflicto hoc Nervo Cor palpitat, id quod etiam ex ipsis libris Anatomicis liquet.

§. XXX. *Motus Convulsivos, Spasmodicosque* Palpitationem Cordis causare posse, ex experientia constat: Hinc non mirum, quod multoties *Epileptici* huncce affectum fuerint experti, quale subjectum Epilepticum, quod simul palpitatione Cordis est comitata, adducit *Platerus Obs. 226.* Hinc non mirum, quod a *Venere* palpitatione sit orta, de quibus pariter *Platerus Pr. T. I. p. 486.* Hæ palpitationes omnes oriuntur a consensu vellicatorum & irritatorum nervorum. Notum quoque est, palpitationem supervenire *Cardialgia*, de qua *Cardialgia Veteres*, esse morbum ipsius cordis, credi-

dere, sed minus bene, quia pars affecta ejus est, superius Ventriculi orificium, quod maxime nerveum existit, atque oritur a flatibus in Ventriculo incarceratis partim, partim quoque a particulis acidis, austeris, maxime corrosivis, utraque autem orificium illud superius afficiunt, arrodunt, vellicant atque pungunt, ubi fit tristis & molesta sensatio atque dolor istius orificii, prope Cor situm habentis, qua irritatione autem facta nervei istius orificii, Cor quoque ipsum affici, atque ad inordinatus motus, uti in palpitatione, disponi potest. Eadem quoque ratio danda est in omnibus, qui nervos spectant, morbis, & ubi Palpitatio Cordis subsequitur. Sic, quando in *Ructibus, flatibus, ipsaque Colica*, variisque intestinorum morbis, quando nempe Viscera abdominis labe afficiuntur, vel vermibus laborant, *Palpitatio* ista oritur, tunc fit ex affinitate ac intima communicatione, quam Nervi splenici cum Cardiacis habent, de quibus & aliis huc pertinentibus legi meretur *Willisi Pharm. Rat. P. I. p. 268.* qui optime de nervorum affectibus & consensu inter se egit.

§. XXXI. Quædam adhuc ex Causis P. N. Palpitationis Cordis Occasionalibus, & quidem *Sanguinem* maxime respicientibus, restant allegandæ. Huc itaque referendæ sunt omnes *Sanguinis fluxiones Naturales, P. N. emanantes & obstruentes*; Sic, quando *sexui sequiori menses* emanent atque supprimuntur, tunc non infrequens solet esse palpitation hæcce Cordis, propter sanguinis spissitudinem atque ad Cor regressum; Quando quoque *Lochiorum fluxus* non sufficiens est, aut totus obstruitur, tunc etiam *Palpitatio Cordis* insequitur. In Viris solet contingere talis Palpitatio, ex *suppressione fluxus Hemorrhoidalis* assuefacti, ea ex ratione, quia Sanguis isthuc ad excernendum delatus, iterum Circulatorio motu ad Vasa majora ipsumque Cor movetur, & Orgasum Sanguinis instituit, & per hunc, palpitationem. Et hoc ad palpitationem Cordis facit, quando nimirum quis *Hæmoptysi* vel *Hæmorrhagia Narium* vel quacunque alia p. n. *fluxione Sanguinis* assuefacta laborat, nimio autem Medica-

men-

mentorū nimis adstringentium usu istæ ſupprimuntur, atque eadem, ſicut in præcedentibus obſtructionibus ſanguinis, ratio erit ſuppeditanda.

§. XXXII. Abſolutis nunc Cauſis Palpitationis Cordis, tam immediatis, quam mediatis, ſive antecedentibus, & Procatareſticis ſive Occaſionalibus meum nunc eſſet, ut ſpecialem Prognofin hujus vel illius Palpitationis, an ſit periculofa, an curari poſſit nec ne? tradam, non neſciens, morrem iſtum laudabilem in deſcribendis & explicandis morbis hucusque receptum. Sed quia intendo, quantum equidem fieri poteſt, Palpitationis Cordis medelam, ſecundum ejus ſpeciales cauſas communicare, ſic brevitatem amans illum laborem una cum Diagnofi ſpeciali in Caput tertium ſive ultimum pertractandum reſervabo.

CAP. III.

THERAPIAM PALPITATIONIS CORDIS EXHIBENS.

§. I.

PRæmiſſa jam Pathologica explicatione Cordis Palpitationis, nunc promiſſi mei memor, me ad *Therapiam* ejus ut conferam valdopere neceſſe eſt, quia ſine hac prior tractatio in curandis & medendis morbis eſt inutilis, & nemo Medicus, poteſt dijudicando morbum, morbique cauſas ſciſcitando, & producendo patienti ullum afferre levamen, & hinc veriſſimum eſt illud: *Morbus non curatur verbis, ſed herbis.*

§. II. Medela hujus Palpitationis Cordis ut eo meliori minusque confuſo modo ſuccedat, diſpeſcere illam placet in *Præſervatoriam* & *Curatoriam*. Utraque autem deſumitur ex tribus fontibus; *Pharmaceutico* nimirum, *Dietetico* & *Chirurgico*. Ex Fonte Pharmaceutico haurienda erunt remedia *Temperantia*, *Corrigentia*, *diluentia* M. S. & *expurgantia*, *Motus Cordis inordinatos placantia*, *ſiſtentia*, illudque *roborantia* &

fic porro. Ex fonte Diætetico, quale applicandum conducatur *regimen* in rebus N. N. Ex Fonte Chirurgico, quidnam huc faciant *operationes manuum*.

§. III. Curatur autem omnis Palpitatio Cordis, semper ad ejus Causas respiciendo, quibus ablatis, sponte cedit affectus; Sic quando Palpitatio oritur a *Plethora*, i. e. ubi Sanguis laudabilis p. n. abundat, tunc frustraneum quis laborem suscipiet, si omnia optima remedia Cardiaca, adstringentia, motus sistentia & absorbentia, omnia sanguinem purificantia, & grumescentiam ejus resolventia, uno impetu adhiberet. Potius futurum esset, ut malum durius graviusque reddatur hisce remediis, dum interdum talia remedia in causa sunt, ut *lethalis Syncope* oboriatur. Palpitatio enim in tali statu plethorico, existit eam ob causam, quia Sanguis in nimia copia ad Cor movetur, adeo ut Systole rite peragi nequeat; Hinc etiam nonnulli *Celeb. autores* hanc posuere Definitionem Cordis Palpitationis; Quod nimirum sit *motus Cordis spastico convulsivus, frequentius & fortius quam ordinarie fieri solet, a Natura institutus, ut Sanguinem nimia copia versus Cor latum repellat, vel per certa loca expellat*, vid. *Nenter. Fund. Med. Theor. Pract. Tom. II. p. m. 385*. Hancce definitionem a supra data multum recedere, expertum est? Sciendum tamen, quod tantum pertineat ad statum Plethoricum Sanguineum, ubi nimia Sanguinis copia ad Cor deferitur: sic excluduntur aliæ species Palpitationis, quæ nempe privative, & per consensum nervorum ita fiunt, & a me traduntur. Dum itaque Palpitatio Cordis in statu Plethorico fit ob defectum loci, quo se moveri possit, quia Vasa sunt impleta Sanguine, sic frustraneum esset, si sanguinem attenuentia & Resolventia dare quis velit; Nam quo plura adhibeo in tali statu talia remedia, eo majori modo Sanguis augetur: ergo erit præprimis spatium dandum Sanguini, ut sese expandere & attenuare possit; Frustraneum, & sane periculosum esset, si ad tales motus sistendos & consopios, statim ad adstringentia, ad Opium properemus, sic sanguis, qui per tales inordinatos

tos motus aliquo modo propellitur, subsistit, & stagnat in Corde, & novo continue facto affluxu Sanguinis totaliter suffocatur: Hinc hæc cautela in Praxi non floccipendenda. Quod autem Palpitatio hæc oriatur a Plethora, ad *Signa* ejus respiciendum erit, quæ sunt: Quando tale subiectum præ aliis *habitus est formosioris, floridi*, non raro per commotiones Corporis, Sanguinis quoque fluxiones e. g. Hamorrhagias narium, subit, & quæ sunt alia, ex quibus facillime Sanguinis abundantis præsentia dijudicari potest.

§. IV. Prima ergò indicatio in tali Statu Plethorico est, ad Curandam Palpitationem Cordis 1) *Sanguini ad bene se movendum spatium erit faciendum* 2) *Hoc facto est diluendum, atque purificandum* 3) *Cor & ejus Vasa sunt roboranda*. Primam quod attinet indicationem, ut satisfaciam, propinanda erit *Venæ alicujus sectio*, vel in brachio vel in pede instituenta; Hac enim facta, Sanguinis stagnationi, ejusque impedito motui, aut præsentī aut imminenti, affertur aliqualis medela, ut depleto sanguinis quanto, facilius ejus circulus fiat nec tam insigniter aut copiose item in uno loco subsistere queat; Alii autem probant, quod consultior sit in pede, quam in brachio, dicentes, quod Sanguis a Corde sive a Centro ad Peripheriam hæc ipsa derivetur, quod etiam in nostro casu possumus instituere, de hac autem certi, quod, si nihil juvet, etiam non nocere possit. Aliæ interdum Venæsectionis loco, Sanguinis artificiales evacuationes institui possunt, quando adest magis *Plethora apparens sive quoad vires*, tunc potest per *cucurbitularum scarificationem* sanguis educi optimo cum successu. Quin & *hirudinis applicatas posterioribus ani venis*, vel etiam *supra Cor*, interdum paroxysmum Cordis palpitationis sedavisse refert *Zacut. Lusitanus lib. 2. Med. Princ. Hist. 39. Obs. 2.* qui præprimis allegat Exemplum de Palpitatione, per hirudines supra Cor admotas, curata, imo quod maximum, quoque observavit palpitationem Cordis validam, per scarificatam cucurbitulam supra Cor admotam, curatam. An autem Vena sit secanda in Paroxysmo magis, an autem extra illum, de his nihil certi

certi æque dici potest, quam ut pro diversitate gradus Palpitationis adhibenda sit, quando nempe gravior existit, & metum suffocationis præ se fert, a terrore vel ira magna proveniens, tunc utique statim est Vena aperienda, ut Orgasmus & impetuosior Sanguinis motus sedetur, & tunc largior, præprimis ubi Plethora adest, instituenda conducit; Quando autem mitior est affectus, non a tanto Orgasmo & impetu Sanguinis, non a terrore & magna ira admissa, non suffocationis metum efficiens, tunc consultius & utilius est extra, quam in Paroxysmo hancce evacuationem celebrare, cum quandoque secundum illud *Hippocratis*, *Omnis mutatio subitanea periculosa*, *Insignium Sanguinis Commotionum* Causa autorque existat. Hoc ipso tamen neutiquam negamus, quod quibusdam Venæsectio in paroxysmo concelebrata, fuerit proficua, cum Exempla potius eorum reperimus in *Horstio Lib. 3. Obs. 16. it. in Fontani Consil. & Respons. p. 66.* Summa quoque omnium adstantium admiratione eam cessasse observavit *Hæchstederus in Obs.*

§. V. Alteri indicationi nunc satagendum, quo Radix & fomes hujus mali eo melius tollatur & curetur, nimirum, quando aliqua *Spissitudo*, & *impuritas Sanguinis* in Plethora adest, tunc adhibito auxilio Chirurgico, dein ad Sanguinem ipsum diluendum & purificandum, est progrediendum. Ad quem scopum obtinendum, Pharmacenticus fons est in consilium trahendus, in quo nobis sese offerunt varia primas vias liberantia, & heic adhibenda, v. gr. *Rhabbarum*, *Senn. Alex. Extract. Helleb. nigr. Panchym. Croll. Resin. Gial. Scammon.* variaque alia, ex quibus sequens Potio purgans præparari potest: *Rz. Fol. Senn. Alex. S. St. ʒss. Mechoac. alb. Rhab. el. ana ʒj. Crystall. Fri ʒss. Coqu. in f. q. ∇ f. Colat. ʒiv, v, vel vi, add. Sir. de cich. c. rhab. e pom. Laxat. ana ʒij.* Majora & fortiora purgantia s. quoque ipsa Vomitoria hic exulant, ob maximum istum motum, quem instituunt Vomitoria. Porro nobis sese offerunt ad spissitudinem sanguinis opprimendam, varia remedia, *temperantia*, quæ inter referenda sunt *Θina*, cum *absorbentibus* & *Os* combinanda, fluxiles reddend-

reddentia humores, atque digestiva, porro varia *Extracta* amara & Ess. atque TR. antiscorb. purif. cum Univers. Tonicis, Diaphor. & Alexipharm. conjungendæ nobis ob oculos sese ponunt. In nostro præsentî affectu sequens pulv. temperans usui commendatur: *Rz. Spec. Diarrhod. Abb. ʒj. ☉ci depur. arcan. dupl. Corall. rubr. ppt. ana ʒʒ. Spec. de hyac. Bez. ʒal. ana ʒj. M. F. pulv. pro pluribus dosibus, dos. potest esse ʒj. vel ʒʒ. mane & vesp. sumenda.* Inter hunc pulverem propinanda erit Ess. quædam *Antiscorb. Alexiph.* sequentis tenoris: *Rz. TR. Bez. M. vel Rolf. ʒij. Ess. Card. ben. Lign. Sasafr. ☿Cochl. ana ʒj. M. D. in Vit. dos. ad gtt. 40. & ultra. Loco horum Medicamentorum possunt mille alia egregia antiscorbutica & purificantia sanguinem adhiberi, v. gr. TR. ʒii, ☿ri, ☿tis Zwölff. Ess. Lign. Wed. fum. Cent. min. absynth. s. & comp. chamædr. chamæp. Elix. PP. variaque alia.*

§. VI. Nunc ad roborandum Cor debemus quoque esse attenti, quod omnium maxime fit: *Nervin. Cephal. antispasm. antepilept. anodyn. analept. ☿os. ʒʒnis*, aliisque roborantibus *Cardiacis, aromatibus*; Sic sequentes species sunt proficuæ, *Rz. Rad. Chin. Zedoar. Ir. Flor. ana ʒʒ. Herb. Meliss. Beton. Salv. Rosmar. ana Mij. Fl. 4. cord. Lil. convall. anth. ana ʒij. Caryoph. Cinam. Cort. Citr. Lign. al. Sasafr. ana ʒʒ. M.C.C. D. & adhibeatur ut infusum Thee. Prodest quoque pulverem quendam Nervinum roborantem adhibere: *Rz Spec. Diamb. de hyacynth. Diamosch. ana ʒj. matr. perl. ppt. C. C. s. ☐ppt. Succin. ppt. ana ʒʒ. M. F. pulv. confortans & Cor roborans.* Ad variandum sequens potio est æstimanda; *Rz. ☿Meliss. Cinam. Borræg. Cydon. Cord. H. S. ana ʒiʒ. Corall. rubr. ppt. C. C. phil. ppt. matr. perl. ppt. Confect. alkerim. compl. ana ʒʒ. Syrup. fl. Tunic. ʒʒ. M. D. de qua cochleare unum vel alterum omni hora sumi potest; Inter prandendum egregie quoque conducit MR. quædam, ex ☿osis composita, v. gr. *Rz. ☉Vol. ☿osi Sylv. ☿ci Sasafr. ana ʒij. M.* De qua MR. possunt sumi gtt. 30. vel 40. in Vno Generol. Egregie quoque operatur hic ☿, quando Regio Cordis hęc abstergitur, & quando patiens sentit novum paroxysmum, tunc statim**

aliquot guttulæ per nares sunt attrahendæ, sicque frequentissime sponte cessat; Quam ob causam alia *Externa* remedia sunt ad præservandum egregia, hinc *Epithemata Cordis* composita ex *herb. & floribus Cardiacis* in tali casu sunt suadenda; v. gr. *Rz. Herb. Borrage. Bugloss. Meliss. Salv. ana Mj. Fl. 4. Cord. Cheir. Anthos, Lavend. ana p. i. incis. indantur in Syndone rubr. calide cordi imponenda.* Cui etiam jure meritoque interdum potest addi aliquid de \approx in ∇ apopl. soluta, qua sacculus subinde q. s. irrorari potest; Potest quoque irrorari solo $\Omega \Theta \star$ ci s. *Rosmarin. Balsami* quoque, quibus inungatur Cor, sane non sunt contemnendi, utpote qui volatilitate sua penetrant, & nervos Cordis roborant, hinc sequens *Balsamus Cordialis* erit dandus: *Rz. Bals. Succin. 3j. Cinam. Apoplect. 3ß. 80 82 ti Lign. Rhod. Major. Caryoph. ana gtt. vi. M. inungatur Scrobiculus Odis, pulsus & tempora. Melissa quoque Vino irrorata & externe regioni Odis, vel sola, vel cum Foliiis borraginis in sacculo calido applicata, admodum conducere solet, quale experimentum fecit HELIDÆVS Paduanus felici successu: Conf. Forestus l. 17. Obs. 1. Crocus quoque ejusque Essentia in palpitatione Cordis usum habet non minimum, & recte dicitur de Croco, quod sit Cordis latitia; Interne ejus Ess. s. TR. cum Ess. Succin. vel Myrrh. bals. vel Ambr. Mosch. & Ω C. C. succin. combinata adhiberi potest; Externe autem, si fiat Nodulus ex Croco & \approx & in regione scrobiculi Odis suspendatur.*

§. VII. Jam multa valerem Verba facere in præscribendis Remediis & quidem ex Fonte Diætetico desumptis; Quali nimirum regimine *Rerum N. N.* Palpitatione Cordis laborantem oporteret uti, ut malum remittat, & remittens ab ulteriore invasione præservetur; Sed quia hac de re fusius in Causis Occasionalibus hujus affectus est actum, quænam nimirum ex istis Rebus N. N. ad palpitationem faciendam magis, quænam minus concurrant, sic lubentissime hoc supersedebo labore, quia unusquisque ex istis pertractatis ipse potest eruere, quidnam sit vitandum, vel acci-

accipiendum, & quidnam præservandi gratia adhibendum conducat.

§. VIII. Clarum itaque atque perspectum est ex hæcenus pertractatis, quod utique ratione *Prognoseos*, hic affectus Curatu facilis sit, nullumque vitæ periculum imminet, si talis existit, qualis in antecedentibus §§. hujus capituli fuit allegatus, nimirum quando Causam agnoscit *Plethoram* & *spissitudinem Sanguinis*. Ejusdem quoque indolis, & ejusdem Medelæ est illa Cordis Palpitatio, quæ a *Terrore* & *Ira perpeffa* oritur, & Sanguineæ atque Plethoricæ constitutionis esse talia subiecta reperiuntur, tunc frequentissime solet Venæsectio sola adeo affectum huncce tollere, ut ne ullis quidem opus habeant Medicamentis, interim tamen tutiori via progredimur, si adhibeantur quædam medicamenta ex supra præscriptis post Venæsectionem, quæ M. S. in circulum eo meliorem deducunt, eamque a cruditatibus & heterogeneis particulis liberam reddunt. Si autem talia subiecta ficcioris constitutionis & neutiquam Plethorici sunt, & palpitationem experiuntur, tunc Cura aliquo modo aliter est instituenda, quam in antecedentibus, nimirum Venæsectio in usum neutiquam est trahenda, sed potius utramque absolvunt paginam, *temperantia*, *absorbentia*, *Θlina*, *pulveres Digestivi*, quæ humores fluxiles reddunt, *Purgantia*, ad primas vias liberandas, & deinde quando videmus, Sanguinem rite suum circulum peragere, Palpitatione subsistente, tunc Vena est aperienda, & tandem Cordis robur & tonus est restituendus, roborandus, conservandus, remediis superius traditis. Si palpitatio Cordis oritur a *neglectis assuesactis sanguinis evacuationibus*, tunc est indicium certum & prodromus, sanguinem excretionem sui quærere & promovere velle; Ergò habemus indicationem ad secandam Venam, qua Venæsectione instituta, ad secundam & tertiam indicationem peragendam, cura debet esse directa, ubi eo attendendum est sedulo, ut sanguis ab omnibus impuritatibus purificetur, evacuationes sanguinis assuesactæ certo & ju-

sto tempore, Præservationis ergo, instituantur, tandemque pars affecta roboretur atque in vigore conserve-
tur. Hac præscripta methodo si utamur, in Palpita-
tione Cordis, præprimis a Plethora orta, curanda, effe-
ctum bonum sive restitutionem speratam insecuturam ef-
fe, mihi persuadeo.

§. IX. Ad altioris aliquo modo momenti Palpitatio-
nis Cordis species progredior, talesque sunt, quando *Pecu-
liarem morbum* in corpore humano pro *Causa* agnoscunt, &
in hoc has a prioribus discrepare constat, quod non prius
subsistant & curari possint, quam *ablato & curato morbo ut
Causa*. Et hæ causæ, sive morbi, sunt vel *tales*, quibus me-
dicamenta possunt mederi, & sunt utplurimum, ubi *aliæ
partes organicæ labe quadam vel morbo* afficiuntur; vel *tales*,
quibus *medicamenta non rite satisfacere* queunt, & locum ha-
bent in *corde ipso ejusque partibus & vasis annexis*. Hinc exi-
stunt palpitaciones Cordis in curando graves, graviores &
gravissimæ, pro ratione Causarum, & quarum in Methodo
medendi erit habenda ratio, quando auferuntur & cu-
rantur, tunc sponte abit palpitatio; In talibus ergo Curis
Palpitatio erit consideranda, non ut *morbis*, sed ut *sympto-
ma*, *proveniens ab aliquo morbo*.

§. X. Ea itaque Palpitatio Cordis, quæ oritur a sup-
pressionē & obstructione in Viribus, Hemorrhoidum, in fœmellis,
Mensium, non prius tollitur, quam sublatis his Morbis; Sic
in utroque Casu Venæsectio suadenda, quatenus a nimio
sanguine in corpore hærente & meatus obstruente, hi af-
fectus oriuntur, tunc in priori *Universalia, Alexipharmaca,
Pœa, Stachys, aperientia, sanguinemque corrigentia remedia* in usum
vocanda, quæ meatus obstructos iterum apertos faciunt,
R̄. TR. Fri ʒij. Ess. Myrrh. bals. Ω Θ \star ci succin. ana ʒj. M.
D. in Vitr. sumantur 30, 40 vel ultra gtt. Prodest etiam sola TR.
aperit. Zwölf. pro ratione subjectorum. In posteriori au-
tem Casu, nimirum in suppressione vel obstructione Men-
sium, tunc uti possumus Emmenagogis, Uterin. Castorinis, Be-
zoard. Alexiph. & similibus aliis Remediis: **R̄.** TR. Fri, Bez.
Mich.

Mich. ana 3iſſ. Eff. Myrrh. balf. Succin. ana 3j. M. D. Vel poteſt etiam præmitti potio iſta ſuperius tradita purgans, & non raro Venæſectio. Quando hæc remedia fuere adhibita, proficit & ſæpius neceſſe eſt, Cordis curam cordi habere, ut roboretur, quod fit per remedia ſuperius tradita, *Nervina, Reficientia, Cardiaca, atque Tonica.*

§. XI. In *Hypochondriaco Malo, & Scorbuto* laborantibus ſi ſuperveniat palpitatio, tunc pariter non prius ceſſat, quam ceſſante & ſublato malo *Hypochond. vel Scorbut.* In priori Caſu ante paroxyſmos vel cum iis percipiuntur murmura ſubinde & rugitus abdominis, in ſpecie juxta regionem ſiniſtri Hypochondrii, & quando paroxyſmo afficiuntur talia ſubjecta, cor quaſi conſtringi, & cum ambabus manibus comprimi aſſerunt; Concurrunt nonnunquam Vertigines, aliaque abdominis pariter atque Capitis mala, ex anomalo motu nervorum dependentia. Difficilis eſt curatu totali hic affectus, præprimis ſi ſuperaccedat *Diſpoſitio* quædam *Naturalis* ſive *Hæreditaria*, tunc ſæpius uſque ad mortem comitari ſolet; Poteſt autem hoc malum tolli, ſæpius obambulando, & corpus movendo, vitam ſedentariam cane pejus fugiendo; *Uſus infuſ. Thee*, præprimis *medicati*, optimus eſt; Multum debet bibere ejusmodi patiens & parum edere; Pro totali autem Cura hujus mali adhibenda ſunt *Specif. Antihyp. Hepat. Splenet. Aperitiv.* Sanguinem ſtagnantem reſolv. reſolutum purificantia, expurgantia: *Rz. Eff. Fumar. S. l. comp. TR. Fri. ana 3j. ℞. Cochl. ana 3ß. M.* Quando hæc MR. fuerit adhibita, tunc ipſa purgantia poſſunt adhiberi, aliaque *Cor roborantia* medicamenta. Difficiles quoque Curatu ſunt Scorbutici, imprimis inveterati, ſive totaliter hæreditarii, hinc ex eo quoque oritur gravis Palpitatio Cordis. Scorbuto & ſuperveniente palpitatione laborantes hoc habent peculiare, quod ſæpe ad leviffimum corporis motum, ſi v. gr. manum vel brachium movent, paroxyſmus palpitationis invadat, & non raro præva *Lipothymia* ſubſequantur; Exemplum ejusmodi palpitationis ſcorbuticæ vid. in *Horſtii Obſ. l. 17. obſ. 35. p. 380. & 89.*

Scorbutus autem haud inveteratus tollitur, *temperant. ab-*
sorb. pulv. supra communicatis, *specif. antiscorbut. corrigent-*
tibus, sanguinemque edulcorantibus, & tunc ipsis *ἀνα καὶ καθα*
purgantibus. *Sequentem pro hoc scopo, pellendi Scorbu-*
tum nimirum, MRam usui præbemus. R̄. TR. ‡ ii ̄Pris. Ess.
Lign. Cent. min. ana ʒj. ʒʒ ʒti Lign. Sasafr. Rhod. ana gttiiij. M. D.
in Vitro, Adhib. ut antec. Post hujus usum possunt propi-
 nari ipsa *Vomitaria & purgantia,* quæ autem statim in initio,
 ubi metus Scorbuti adest, antequam aliquid adhibeatur de
 Medicamentis, ut dentur, consultius foret.

§. XII. In *Epilepticis Invasionibus,* quando accedit Palpita-
 tio Cordis, tunc ille morbus est tollendus *Reficient. apo-*
plect. Nervin. Antepil. ʒosis ipsis, superius fusiori modo de-
 scriptis; In *passione Hysterica* quoque, *Cardialgia, Colicæ variis*
speciebus. Spasmod. & Artbrit. affectibus haud infrequentem
 esse palpitationem vidimus, Hinc isti affectus sunt curandi
 variis *specif. nervinis* remediis partim in anteced. pertra-
 ctatis, partim quoque ex aliis libris aliorum autorum Pra-
 cticis eruendis, ob brevitatis studium hic non allegatis, &
 sic curatur talis Palpitatio Cordis.

§. XIII. Nunc ad eas Palpitationes Cordis q. f. p. cu-
 randas me accingo, quarum nimirum Causa latet *in ipso Cor-*
de, & sunt ut plurimum *difficillimæ,* vel plane *nullæ curationis,*
 quatenus nimirum malum in Corde vel est *in Fieri* vel *in*
Facto, s. inveterato; In Fieri potest cura apportari; In Facto
 autem & inveterato malo non nisi *Cura Palliativa* locum in-
 venit. Palpitatio Cordis est incurabilis fere, quæ à *Vermi-*
bus Cordis oritur, de quibus supra dictum est, quod affectus
 valde sit rarus, tamen autores Practici eum observarunt
 & Medicamentis quibusdam curarunt; Medicamenta con-
 tra tales Vermes, & symptomata talium ægrotantium
vid. in Gabelchovero Cent. 3. Curat. 1. Hoc in *Diagnosi* habent
 præ cæteris peculiare, quod patiantur palpitationem Cor-
 dis subinde recurrentem sine manifesta causa; Sentiant
 maximas rosiones & vellicationes, puncturas & dolores,
 præsertim in interiore pectoris loco, ubi situm est Cor.
 Ratione

Ratione *Prognoseos* ejusmodi subjecta interdum experiuntur *Lipothymiam*, interdum quoque *Epileptica convulsiones* haud desunt, ob maximam irritationem, quam genus nervosum patitur, *Syncope* corripuntur, & non raro moriuntur, facies pallet, ægri inquieti sunt, ob maximam circa præcordia anxietatem, pulsus est intermittens & intercurrents, & similia adsunt symptomata, quo de vid. Forest. l. 21. Obs. 26. in Schol. Paræus l. 1. Cent. 3. Schenkius l. 2. Obs. 194. Medicamenta, quæ in hoc affectu prosunt, sunt *Ærionalia*, succus alii, *rapphan. rufican. & nasturt.* eorumque infusa, de quibus vid. Praxis Chymiatr. Hartmanni, qui curavit eum per *Θ dictamn. & tanacet.* item per *Æ viv.* ejusque infusum. Petrus a Castro, Medic. Veron. curavisse dicitur eum Vermem per solum succum *Scabios.* Interdum potest in jusculis hæc *Scabiosa* excoqui, s. in decoctis & syrupis, ex ea factis, potest propinari. Vid. etiam Petri a Castro Tract. de Pest. Neopolit. Rom. p. 137 & 138. Lowerus Tract. de Cord. p. 107. Cataplasma externum contra vermem pericardii expertum commendavit ex foliis *Cinar. Tanacet. abs. vulg. aceto Vni* incoctis, mixtisque cum paucis *Mithridatio* compositum, & regioni Cordis imponendum.

§. XIV. Prosunt quoque in hoc affectu *Cardiaca*, in superioribus tradita, remedia, omniaque amara & succinata contra Vermes sunt, sic sequentem compono MR. R₂. Ess. Myrrh. bals. absynth. compos. ana ʒiʒ. Succin. ʒj. Castor. ʒʒ. M. D. in Vitr. sumantur gtt. 30, 40, vel ultra. Interim tamen semper eo in tali casu attendendum est, quo M. S. purificetur, primæ Viæ per purgantia liberæ maneantur, & sic aliquo modo Vermium Cura institui potest.

§. XV. Palpitatio Cordis, ex ▽. Pericardii abundante, Calculis, Polypis, vasorum pulmonarium obstructionibus, variisque Cordis excrescentiis proveniens, Coronidis loco nunc inquirenda restat. Horum autem affectuum signa Diagnostica sunt pauca & admodum fallacia, interdum fere nulla adsunt. Pulsus non est adeo magnus, nec adeo vehemens, aut concitatus, cum Cor in impedita Capsula moveri nequeat, affectus redditur contumax & pertinax; Conjuncta in

in singulis simul est *febricula*, *Hectica* non ab^{similis}, accedit
successu temporis totius corporis tabes, *spirandi difficultates*,
summæ anxietates circa præcordia, & hinc maxima *agrypnia*, &
 tunc mors in olla deprehenditur. De Abundantia ∇ in
 pectore superius aliquid dictum fuit, quod raro sit cura-
 bilis, propterea, quia neque dissolvi neque discuti possit
 secundum *Galenum*; Possumus autem, quando talis Hy-
 drops Pectoris est in fieri, aliquo modo levamen afferre,
affluxum nimirum ulteriorem ad Cor impediendo, detrahendo, quod
fit Venesectione, in pede derivandi scopo instituenda;
Purgant. Hydrag. P̄reis, & alibus, absorb. Diuret. Imprimis
abstinere convenit a nimio usu cibi potusve: Cibus sibi
eligat sicciores, non jusculis multis debet uti; Quippe
quæ M. S. nimis diluunt & ∇ producant. Quid autem sit
sentiendum de Consil. Rioloni in Anatom. sua lib. 3. Cap. 4. da-
to: quod nimirum tali in casu, ubi sit Hydrops Pectoris in-
veteratus, Sternum esset perforandum, eo in loco, ubi capsula pe-
ricardii ei adnascitur, & sic ∇ am contentam extrahendam esse. De
hoc autem Consilio censet Cel. Mich. Ettmüller. in Tom. II.
in Oper. supra laud. p. 439. Quod sit magis Theoreticum quam
Practicum.

§. XVI. *Polypus Cordis & Calculi*, jam dum in facto existen-
 tes, sunt sane Medicorum scandala plana, quia indicantia
 deficiunt & fere nonnisi post mortem ipsorum præsentia
 dijudicatur: Si tamen Curam instituimus, nonnisi *palliativa*
 erit, ulteriorem pariter affluxum & cumulationem particu-
 larum *P̄earum, viscosarum &c.* impediendo, quod sit in Ple-
 thoricis Venæsectione, in aliis autem per *purgantia*, & san-
 guinem purificantia, *Cardiaca*, & *externe applicanda Remedia di-*
scutientia in tali casu egregia sunt; *Spirituosa* vero fugiat,
 præprimis ∇ *vilioris conditionis*, per hoc enim cruditates,
 imprimis in debilioribus augentur, & creantur; Et in
 omnibus Rebus N. N. semper media via incedendum est,
 quæ in hoc consistit: *Ne quid nimis, ne quid minus.*

§. XVII. Et hæc sunt, quæ de *Palpitationis Cordis Patho-*
logia, ejusque Therapia pro ingenii mei modulo differere
 potui,

potui, si quis esset, qui fusio-
nem, de hisce complicatis affectibus, palpitationem Cor-
dis sapissime inducentibus, desideret, illi promitto, me, Deo
præbente occasionem, ejusmodi desiderio pro viribus sa-
tisfacturum; Deo interim Optimo Maximo, ex intimi
Cordis penetralibus, sit & debeatur Laus, Honor & Gloria,
qui sua huic labori benedixit clementia, ut non solum
felix inchoari, sed & multo felicior im-
poni potuerit

F I N I S.

Felix est Medicus, sed non mendicus in arte,
Omnia qui ponit munera sollicitus,
Ægros quo socios læta valetudine donet,
Sicque citò tutò cura peracta venit.
Tu, *mi Cognate*, qui dicere nomine (*) *LYDOLFF*,
Auxilium præsens semper ades hominum;
Hinc non immerite faustum Te dicere possum,
Præcipuè quoniam nomen & omen habes.

(*) Cognomen *Ludolffi*, jam per orbem literarium clarissimum, aliàs germa-
nice exprimi solitum *Leuth-Hülff* / optimè respondet officio boni Medi-
ci, quippe cujus præcipua in eo ponitur cura, ut sanitatem, tanquam
pretiosissimum pignus, hominibus restituat.

*Paucis hisce Nob. Domino Doctorando, Co-
gnato suo honoratissimo gratulari voluit,
debuit*

GEORG. VOLCMAR. HARTMANNVS,
Philos. & Med. Doctor, Practicus
Erffurthenfis.

F

Non

Non pridem Sophiae cui sunt data jura Magistri,
 Hujus nunc lauro cingit Apollo comas.
 Felix, in gemino, qui sic excellit, honore,
 Cuique novum accingit sedula Musa decus.
 Inde TIBI titulos, LVDOLFFI! gratulor: Opto:
 Ulterius veniant prospera quæque TIBI!
 Pergito trita TVI vestigia sumere PATRIS,
 Sic eris *Hippocratis*, digna propago, Senis.
 Sis Tuus: Arte refer stabili & virtute PARENTEM,
 Nec majus cupimus, nec dare majus habes.

Ita

*Nobiliss. ac Clariss. Domini Doctorandi, Cognati
 sui honoratissimi, honoribus meritissimis
 applaudit, Ipsique prosperos rerum succes-
 sus ex animo apprecatur,*

ANDREAS ELIAS Büchner/
 Philos. & Med. Doct. Pract. Erfurt. Acad.
 Nat. Curios. Collega.

